

تاریخ عثمانی انجمنی

مجموعہ سی

ایک آیدہ برنشر اولنور

مندرجات

طوبقیو سرای هایونی عبدالرحمن شرف
علمدار مصطفی پاشا افضل الدین
بر عثمانی فیلوسنک صوماطره سفری صفوت
صاروخان و آیدین اوغللری احمد توحید
کتابه لر نصل قید و ضبط اولنلیدر خلیل ادهم
احتساب آغالی محمد غالب
تفرقه : تاریخ سلطان محمد ثانی. مؤلفی قریتو و ولوس. مترجی قارولیدی .

فیثائی ۵ غروش

مرجعی — باب عالی تاریخ عثمانی انجمنی

استانبول

محمد حسن او شکرانی

مطبعه جلیق عثمانی پالی شرق

۱۳۲۹

ساروخان اوغللری

روم سلجوقی دولتک انتقاضی اوزرینه تشکل ایدن حکوماتدن بری اولان ساروخان اوغللری لیدیا خطه قدیمه سنده تمکن ایتمش لر ایدی . ساروخان اوج امراسندن ایدی . اوج امراسی برطاقم ترکان عشیرت و قیله لری رئیسلری اولوب بونلری روم سلجوقی سلطانلری حدودلرینک هر طرفه اسکان ایتمش لر ایدی . اوج بکلرینک شان واعتباری آرتدیجه بکلربیکی (امیرالامرا و ملک الامرا) عنواتی آلیرلردی . مشهور عینی تاریخنده دولت عثمانیه سلاطینندن بحث اولنورکن صاحب اوجات (یعنی اوجار صاحبی) دینلمکده در . ساروخان بکک بابانک اسمنه ، کوره بیلدیکم کتب توارینجده مصادف اولامادم . جلال الدین خوارزم شاهک شهادتندن سوکوره روم سلجوقی پادشاهی علاءالدین کقباد اول طرفندن جلب و دعوت اولوتان امرای خوارزمیه میاننده ساروخان نامنده بر ذات موجود ایدی . [۱] عجیبا بو ساروخان ساروخانک جدیدیر ؟ بوراسی شایان تدقیق بر مسئله تاریخنده در .

ساروخان امارتی کوزلحصار (منمن) آقحصار، تارخات، مرمره، کوردک، کوردوس، قیاجق، اطاله، دمیرجی، نیف، ایلجه، طورغودلو، فوجه، قره جهر قصبه لرینی محتوی اولدینتی جامع الدول یازیبور. مسالک الابصارده ساروخانک اون بش قدر شهری و یکرمی قدر قلعه سی اولدینتی و حرب آشنا اون بیکدن زیاده و « نیف » ده حکمران

[۱] مختصر سلجوقنامه ابن بی بیده ساروخانک نامی شویله ذکر اولونبور: « قیرخان و برکت و یلان نوغو و ساروخان و کتلوشنکم و دیگر امرامه در میان آمدند و برین [یعنی علاءالدین کقباد اوله اطاعت ایتمک] جمله سو کند خوردند . » مختصر سلجوقنامه ابن بی بید - هوتسا طیبی صحیفه ۱۸۸

اولان قرنداشی علی پاشانکده سکز شهری و اوتوز قدر قلمه سی واکثری اوق آتمقده ماهر خیل پیاده ایله برابر سکز بیک سوارسی اولدینی و صاروخانک دکزدهده برچوق سفائنه مالک بولوندینی محرردر .

۱ - صاروخان

۷۴۶ - ۷۰۰

بوخاندانک ایلك حکمداری اولان صاروخان ، نه وقت اعلان استقلال ایتدیکی مچولدر آنجق دیگر امارتارکی آلتی یوزطقسان طقوز یاخود یدی یوز سنه سی ایتدالرنده مستقل اولش اولما سی زعمنده میم . امیرشارالیه یدی یوزاون اوچ سنه هجریه سنه مصادف بیک اوچ یوز اون اوچ سنه میلادیه سنه لشکری ایلی (لاسقاریس) مرکزی بولتان مقنیه سی ضبط ایله امارتنه مرکز اتخاذ ایتشدی . مقنیه فتحندن اول صاروخانک مقرحکومتی زه سی اولدینی مچولدر . صاروخان همجوارلرنک جمله سیله حرب ایده رک توسیع ممالک ایتشدر . « ناقوس » دوقه سی ، « ساقز » و « فوجه » جنوزلری و مدلی فایلوزیولری صاروخان قورسانلرنک مملکتلرنی تخریب ایتمه لری ایچون میرمومی الیه ویرکو ویرلر ایدی . فوجه سنیورینک ویرکوسی بش یوز دوقه آلتونی ایدی .

اوسبرده حکومت عثمانیه نک شوکتی آرتقده اولدیقندن ویاخوص قره سی خطه سنک فتحی ایله صاروخان مملکتی ایله همجواری حصوله کلدیکندن و استقبالی تهلکلی کوردیکندن صاروخان بک اورخان غازی علیه متفقلر آرامغه مجبور اولدی و آیدین اوغلی ده داخل اولدینی حالده قیصر اوچنجی اندرونیق پالتولوغ ایله فوجه ده تدافعی بر معاهده عقد ایتدیله . مؤرخ قانتا کوزنک قولنه اعتماد جائز ایسه صاروخان اتقاقی تذلل درک سنه ایندیرمش و ایمراطورک تقوقنی قبول ایله مشدر . آنجق بووقعه دن اول وصوکره صاروخان بک ایله قیصر و جنوزلر میاننده وقایع عدیده جریان ایتشدر . بونلردن براز بحث بحادر : ۷۳۹ سنه

هجریه نه مصادف ۱۳۳۵ نه میلادیه سنده جنوز شهرینک یاردیمیله فوجه سنپوری جنوز دونیک قاناته نو قیصرک تابیتدن خروج ایتمشدی . ساروخان بك آیدین اوغلی محمد بکله ایمراطوره سفائن کوندرهك مرقوم سنپوری تحت اطاعته ادخال ایتمش ایدی . مخدومی سلیمان بکله یکریمی درت قدر مملکتی اشراف واعیاننک جنوزلر طرفدن اسیر ایدلسندن منفعل اولان ساروخان بك بو حربه قیصره یکریمی درت کمی ، برخیلی عسکر ومهمات مقتضیه ارسال ایتمش ایدی . تاریخ مذکور دن الی نه صوکره (۷۴۲ نه هجریه ۱۳۴۱ نه میلادیه) روم قیصریله عقد ایتمدیکی اتفاق مارالیانی قضایه یغنی قومانداننده بولونان دونماسنی یونانستان سواحلی یغمایه کوندردی . فقط موقیت حاصل اولامایه رقی یغنی مغلوب اولدی . قیصرک دونماسنی ساروخان سواحله قدر کلهرك عقد صلحه مجبور ایتمدی .

۷۴۵ نه هجریه نه مصادف ۱۳۴۴ نه میلادیه سنده پایا ، وندیك وردوس کیلری از میری ضبطه کلوب آیدین اوغلتک دونماسنی تخریب ایتمکدرنده آیدین اوغلی متقی بولونان قیصر رومی دعوت ایچون اورویابه عزیمتده ساروخان ممالکندن کچمکه وبوسیدن طولانی ساروخان بکه بر مقدار اراضی ترکه مجبور اولدی . عمر یا خود امور بکک بوسیاحتده اولجه قسطنطینییه کیدوب کلش اولان ساروخان بکک مخدومی سلیمان بك ده برابر ایدی . سلیمان بك آبه شهرنده ارتحال ایتمدی . عمر بك رفیق سیاحتک نمثنی مستحجاب کیرو دوندی . ساروخان بك بو افتراقه طیانمامش اولمالی که بك آز زمان صوکره ۷۴۶ نه سنده ارتحال ایله دی . ابن بطوطه سیاحتنامه سنده ساروخان بکک بر اوغلتک وفاتندن بحث ایدرکه بوسلیانک غیری اوله جقدر . زبرا سیاح مومی الیهک مقیبا به کلهسی ده اولجه در .

۲ — فخرالدین الیاس

۷۷۶ — ۷۴۶

پدری یرینہ جالس سریر سلطنت اولان بوذاتک ایام حیاتی حقیقہ
برکونا معلوماتہ دسترس اولامادم ۷۷۶ تاریخندہ وفات ایتمشدر .
منجم باشی پدری کچی عادل اولوب وجوه خیراندہ مائر حسنہ اولدینتی
سویله یور .

۳ — مظفرالدین اسحاق

۷۹۰ — ۷۷۶

پدری یرینہ جالس اولان بوذات ایلمک مولوی خاقاقی اولان مقنبا
مولوی خانہ سنک واقفیدر وجامع کیرده مشار الہک اثر خیریدر ۷۹۰
تاریخندہ بوفانی دنیادن آل جکمشدر .

۴ — خضر شاہک

۷۹۲ — ۷۹۰ دفعہ اولی

۸۱۳ — ۸۰۵ دفعہ ثانیہ

سلطان ییلدیریم بایزید خانک چین جلوسندہ قرمان اوغلی طرفندن
تشکیل ایدیلن ہیأت فسادیه داخل بولونماسی جهتیه مملکتی ضبط
ایدیلشیدی خضر شاہک ایکی سنہ امتداد ایدن بواہک سلطنتدہ برامر خیرہ
موفق اولامادینتی کچی انقرہ ہزیمتدن سوکرہ ۸۰۵ دن ۸۱۳ سنہ
قدر سوزن ایکنجی سلطنتدہ سہ سیرتندن غیری برایشی صحائف
تاریخندہ کورولہ مہدی .

خاندان سلطنت عثمانیہ علیہندہ وقوعہ کلن برقاختی جلی سلطان
محمدخان حضرتلری طرفندن عفو ایدیلہ یرک اعدام ایدیلشدر . خضر
شاہک قتلندن اول سلطان مشار الہدن ایکی استرحامدہ بولونمشدر کہ
بری جدیدی متبسادہ الیوم موجود اولان وکورخانہ تسمیہ ایدیلن
آجدادی تربہنہ دفن ایدلمسی دیکری ایسہ آبا و آجدادینک و قفلیری

معتبر طوتولماید سلطان مشارالیه بویکی وصیتی انفاذ ایتشد . مقبلاً مولویمخانهسی درگاه مولانادن سوکره اک معتبر وکثیرالاقاف درگاه اولهرق الان قائمدر . یقین زمانه قدر قونیه مولویمخانهسی پوست نشینی اولاجق چلبی نامزدی، مقبلاً مولویمخانهسک پوست نشینی اولوردی . صاروخان اوغلرینک ترهسی اولان « کورخانه » ده کتابه تاریخیه اولمادینی مقبلاً کورمش ذواتدن مسموع حقیر اولمشدر .

مکوکات

صاروخان اوغلرینک مکوکاتی نادر بولونمقده دره ژینلیاتی شکلنده صاروخانک مقبلاً کدیرمش اولدینی کموش مکوکات آندردر . منصور اولان بو پاره لده لاینجه حروفات اولوب عربی حروف قطعاً یوقدر . صاروخانک خلفری طرفدن بوشکلده پاره کدیریش اولوب اولمادینی بللی دکدر . الیاس بکک هیچ سکسی کوروله مشدر . اسحاق بکک ایکی نوع کموش و برنوع باقر پاره لری واردر . خضر بکک برر نوع کوموش و باقر سکلی موجوددر . موزه هایون عثمانینک دردنجی قسم قتالوغنده اوچیوز سکان اوچدن اوچیوز سکان اتیه قدر اولان صحیفه لرنده مکوکات مذکورده تعریف ایدیلشد . کموش سکلی ربع مقال و ربع درهم وزنلرینه قریبدر .

آیدین اوغلری

روم سلجوقی دولتک انقراضی ایله اناطولیده شکل ایدن طوائف ملوکن بری ده آیدین اوغلری در . بو حکومتک مؤسی اولان آیدین بکک باباسی محمد بک روم سلجوقی دولتک امیرالرننددر . دولت مشارالیهاده امیرالره امیرالسواحل و ملک السواحل عنوانلری وریلور ایدی . علائیه ده وازمیرده وقره دکزده سینوبده ملک السواحل و امیرالسواحل ناملرنده بکلر وار ایدی .

آیدین بک دہ پدری کبی امیر السواحل اولدی . مغول لک ظلمندن
یزار اولان ترک عشارینی جملہ تقریباً ۶۹۹ یا خود ۷۰۰ سنہ ہجریہ سنہ
اعلان استقلال ایلہدی . عدل ونصفتلہ مملکتی معمور ایتدی .
آیدین ایلی منجم باشینک قولنجہ: تیرہ، از میر، ایائلوغ، کوزلحصار
آیدین، چشمہ، سلطان حصاری، کستل، بوزطغان، یکی شهری،
الاشہر، برکی، آرپا، صارت، کوشک، پیراملی، قرہجہ قیوتلی، آیدین
اینہ کولی، اورتاچی بلاط، نازلی، قوش اطہسی، اورلہ، کلس، آذینہ،
اچہ شہر، سفریحصار، بالیامبولی، بایندر، قرابرون، نیف، آتہ، قزلحصار
شہر وقصبہ لری حاوی ایدی .

طوائف ملوک یکدیگریلہ اکثر حال حربہ اولدقلرندن برشہر
ویاقصبہ برمدت برینک براز صوکرہ دیگرینک حتی بعضاً براوچنجی
حکومتک ید ادارہ سنہ کچر ایدی بنا برین صاروخان مالکی میانندہ
کورولش بعض قصبانک آیدین ایلی . دیگر حکومت مالکی ارہ سنہ تعداد
ایدش اولماسی بوندن منبئدر .

مسالک الابصارده مملکت برکی نامیلہ یاد ایتدیکی آیدین ایلندہ التمش
قدر شہر اوچیوزدن متجاوز قلمہ اولدینی ویتمش بیک سوازی عسکری
وسفان کثیرہ سی اولوب قرہدہ، دکرده یزانتیلر وفرنگلرایلہ دائما محارب
بولوندینی محرردر .

۱ - آیدین بک

۷۳۴-۷۰۰

امیر آیدین عاقل، عادل، سیرتی کوزل شجیع، چالیشقان احتیاطکار،
مفسلدردن ودشنلردن حفظ بلاد واهالیدہ صاحب عزم ایدی .

مؤرخ فاننا کوزن «امیر آیدینک ۷۳۰ سنہ ہجریہ سنہ مصادف ۱۳۲۹
سنہ سنہ خستہ لئی مناسبتیلہ فوجہدہ براتفاق عقدایتمک اوزرہ اجتماع ایدین
صاروخان بک وقیصر کنج اندرونیقوس یانلریہ یکدہ مہدی، دیور .

امیر مشارالیه مخدوملرندن برینی امیر چوبان زاده تیمور طاش بك
 بزدينه ارسال ايتمش ایدی . چوبان اوغلی آیدین اوغله نیچون خراج
 کتیرمه دک دیدی . آیدین اوغلی تام برترك قهرمانی آغزینه یاقیشان برلسان
 شجاعکارانه ایله « سز نه ملتکز که بزسه خراج وبره لم بز خراجی
 اغیاردن آورز سز مسلمان بز مسلمان . بز دن خراج نه وجهله ایتسکز .
 بیانا نسه بولوندی . امیر تیمور طاش « غازی یکیت ایشین وارغزا
 قیلقمده اول ، ديه تلطیف ایدرهك اعاده ایتدی .

یوقره دن آکلشیلور که آیدین بك ومخدوملری هم سیاسته
 هم شجاعته ار اوغلی ار ایشلر .
 رحم الله عليهم

تاریخ انجمنك اعضای معاونه سندن سابقا طویبخانه ضایع مکتبی
 مدیری میر آایلقدن متقاعد علی رضا بك افندی اسکدارده سلیمه
 کتبخانه سنده ۶۶۲ نومورده مقید اولیا چلی سیاخامه سنک قرق
 دردنجی صحیفه سنده آیدین اوغلرینه دائر اولان فقراتی عیناً استخ
 ایله بو عاجزه اعطا ایتک لطفنده بولوندی . اولیا چلی برکی شهرینک
 توصیفنده « قلمده اسکی جامع ، فاتح بلاد محمد شاه ابن آیدین پایکدر .
 قبله قبوسنک عتبه علیسی اوزره تاریخی بودر : بسم الله الرحمن الرحیم
 فتح المبد بنصر الله فی ایام دولت الامیر الکبیر الغازی فی سبیل الله تعالی
 محمد بن ایدین فی تاریخ سنه سبع و سبعمائه تحریر اولمشدر . جامک
 صاغ یان قبوسی اوکنده کی قبه پرا نوارک ایچنده صاحب الخیرات مدفوندر .
 وسر پادر و دیوارلری بیاض مرمر خام ایله منیدر جنوبه ناظر برقبوسی
 اوزره تاریخی بویله در : بنیت هذالتربت للامیر الکبیر العالم الجاهد المرابط
 ابوالخیرات السلطان الغزات مبارزالدولت والدین محمد شاه بن ایدین
 نورالله مرقد آمین سنه اربع و ثلاثین و سبعمائه (سهو مستخ اوله رق
 سبعمائه تسعمائه شکلنده یازمشدر) و بو مرقد مهبط منورک ایچنده محمد
 شاه و برادرینی عمر شاه و عیسی غازی آسوده درلر . ، اولیا چلی نک

شوهتدن طولانی روحی شاد اولسون حتی « برادرینی » خطاسی
وساثر یا ککشلری ده معذور کورولسون . کرك جامع شریف کرك تره
آیدین بکک اولاجقدر . آیدین شاه بن محمد اولمالیدر .

مفتیسا وملحقانده صاروخان اوغللرینه وآیدین وازمیر
سناقلرینک ملحقانده و خاصه برکی ده آیدین اوغللرینه ودکزلی ایله
ملحقانده دکزلی حکومت قدیمه نه ومنتشا سنجاغی ملحقانده
وعلی الخصوص بیچین (برچین) ده منتشا اوغللرینه عائد مبانی ده بولونان
تاریخی کتابلرک جلب وجهی آیدین ولایتی شعبه مزدن ودربایت و فطاتی
مسلم اولان معارف مدیری مشتاق بکک همت وغیرتندن منتظر در .

۲ — محمد بک

۷۴۱ — ۷۳۴

پدرینک مقامه کچن محمد بک حقنده کافی معلوماته دسترس اولاماد .
ابن بطوطه مشار الیهی برکی جوارنده بولونان صیفیه سنده زیارت ایتمش
وبعد بر ابرجه برکی به عودت ایله مش اولدیتنی ومظهر انعام واحسانی
اوله رق صرفه یاً ساخته دوام ایته بکنی سیاحتنامه سنده یازار . ابن بطوطه نک
روایته کوره محمد بکک اوغللرندن خضر بکک ایائلوغده عمر بکک از میرده
ادره امورده مأمور ایدیله بونلرک کوچکی اولان سلیمان بکک عمر بککله منازعه
ایده رک قائم پدری منتشا امیری اورخان بکک یانه کیتمشدر . ابن بطوطه
سلیمانک فرارندن محمد بکک دلکیر اولدیتنی یازیور .

۳ — عمر یاخود امور بک

۷۴۹ — ۷۴۱

عمر بکک یاخود امور بکک پدری مقامه کجدی . مشار الیه بر مرد دلیر
اولوب دفعاتله روم ایلی به کچمش وچوق مال غنایم آلمشدر . امور بکک
قوه بجهریه سندن ضرر دیده اولان فرنکلر پاپانک یاردیمله براهل صلیب
دوتنمسی ترتیب ایده رک کلدیلر از میرده امور بکک دوتنمسی یاقدیله .

ازمیر شهرینی ضبط ایتدیلر ۷۴۵ هجریه ۱۳۴۴ میلادیه . عمر بک قطعاً فتور کتیرمیه رگ و صاروخان بکک برازیر ترک ایدمه رگ قیصر رومدن استمداده کیتدی لکن صارخان بک زاده سلیمان بکک آپامده ارتمحالی اوزرینه عودت ایتدی ازمیر جوارنده مسلمان ازمیری نامیله برقله بنا ایدمه رگ فرنکلری از عاجدن خالی بر آن کپیرمه دی . نهایت ۷۴۹ ده شهیداً عازم جنان اولدی .

۴ - عیسی بک

۷۹۳ - ۷۴۹

بر اوق اصابتیله شهید اولان پدری یرینه قائم اولان عیسی بک - منجم باشینک بک مبذول اولان مدایحه نظراً - عاقل ، عادل ، عالم ، فاضل ایدی . علمی و اهل علمی سورایدی علمایه احسانده بولوندیغندن اسمنه برجوق کتابلر تصنیف اولونمشدر طبعده حاجی پاشانک کتابی انلردندر . عیسی بکک سلطنتی چوق دوام ایشدر . سلطان یلدریم بایزید خان صاروخان فتحندن سوکره آیدین ایلنی ضبط ایتمکه قصد ایدنجه عیسی بک سلطان مشارالیه مقاومت و مدافعه یه قادر اولامایه جفتی یقناً ییلدیکندن بتون مملکتی تسلیم ایتدی . سلطان مشارالیه ازمیر ایله ملحقاتی عیسی بک بدنده براقه رق آیدین ایلنک دیگر یرلرینی عثمانلی مأمورلرینه تفویض ایتدی عیسی بک عثمانلر یرینه کچن ایدین ایلنده بولونان آیدین خانداننک بالخاصه کندی اوقافنک اداره لری ایچون طرفدن مأمورلر تعیینه سلطان یلدریم بایزید خان جابندن مأذون اولدی .

عیسی بک ازمیر و حوالیسنه قانع اوله رق اولونجه یه قدر حکمران اولدی . وفاتندن سوکره ازمیر و ملحقاتی ده ضمیمه ممالک عثمانیه اولدی . روایت اخرایه کوره عیسی بک ازنیقه کوندریله رگ اوراده ارتمحال ایتدی . عیسی بکک اولادندن حمزه بک عثمانلی دولته التجا ایتدی . منجم

باشی جنیدی دہ عیسیٰ بک اولادندن عد ایتمش ایسده یا گلشدر . جنید
 امرای عثمانیہ دن قرہ سو باشینک اوغلیدر .
 تیمورلنکہ از میرک منعندن وقتی صعب اولدیقتن وفرنگلرک
 اوسواحلہ وقوعبولان تعرضات و تمدیانندن بحث اولنقلہ از میری ۸۰۵
 تاریخندہ عنوة فتح و ضبط ایندی .
 ۵ - عیسیٰ ثانی یا خود موسی

۸۰۵

تیمورلنکک عودتندن سوکرہ عیسیٰ اولک مخدومی عیسیٰ ثانی
 حکمران اولدی . مکوکات عتیقہ مراقیلیردن بردانده عیسیٰ بکک
 کموش سکنہ مشابہ موسی اسنہ مضروب برسکہ کورددم بزده بریدر
 کندی اسنی اوغله نادراً ویرہ کلدیکندن عیسیٰ ثانی بک موسی اولماسی
 دہا محتملدر . ایکنجی عیسیٰ یا خود موسی برمدت سوکرہ وفات ایتمکله
 برینہ ایکنجی امور قائم اولدی .

۶ - ایکنجی امور

۸۰۶ - ۸۰۵

ایکنجی امور بک از میر اوغلی نامیلہ مشهور قرہ سو باشی حسن افا
 زاده جنید ایله اوغراشاغہ مجبور قالدی . تیمورلنکک ورودندن اول
 قرہ سو باشی یلدریم بایزید خان طرفندن مسلمان از میری بکی ایدی .
 تیمورلنکک از میر وحوالینسی آبدین اوغله ویرمشیدی .
 تیمورلنکک عودتندن سوکرہ حسن افا ایائلوغی جنید از میری
 آلدیلر . آبدین و غلی حرب ایندی . متنا زاده یاردم ایتمکله قرہ سو باشی
 اسیر اولدی . جنید غالب کلوب باسانی اسارتدن قورتاردی . نہایۃ الامر
 امور بک جنیدی داماد و عسکرینہ قوماندان ایتمک صورتیلہ حربہ ختام
 ویردی . امور ثانی دہ چوق ممبر اولامادی ۸۰۶ سنہندہ ارتحال
 ایتمکله جنید میدانی خالی بولدی .

چنیک احوالی عثمانلی تاریخنده برتفصیل یازیلماقتدن بوراده بحثه لزوم کورمه دم .

سلطان مراد ناینک ابتدای جلوسنده مصطفی چلبی وقعه سندن واحوال سازه دن جراتیاب اولان مصطفی اسنده بری ایکنجی امورک اوغلی اولوق اوزره توره دی ایسه ده ایکی سنه سوکره جنید طرفندن محوایدلی .

آیدین اوغلرینک ایانلوغده مبانئ عالیه دن اوله رق برجامع شریفی واردر . بوجامک کتابه سی عیسی بک نامه اولوب آلمی ایله آلمش قالی موزه هایون عثمانی ده در . ابن بطوطه نک مدح ایتدیکی بوجامع اولمایدراحتمال که عیسی بک تعمیر ایتدیرمش و بوجاهه نامی یازدیرمشدر . مکوکات — آیدین اوغلرینک ده زینلیاتی شکلنده سکلری واردر که ایانلوغده ضرب ایدلشدر . بوسکلری ایلك کشف ایدن موسیو وود Wood اسنده برذاتدر .

« محمد بک نامه مضروب برکوش سکه واردر که آیدین بکک مخدومی محمد بکک اولماسی قویاً محتملدر .

امور بک نامه کلش بر باقر سکه بالاده اسنی ذکر ایتدیکم مکوکات عتیقه اسلامی ده ید طولاسی بولونان علی رضا بک افندی بولمش و بر عددینی عاجزه هدیه ایش اولقله بروجه آتی تعریف ایدرم . طغرایه مشابه بر طرزده :

ظهری

وجهی :

 خلد ملکه

محمد

بن

امور

قطری-۱۷

عیسی بکک کوش ایکی سکی موزه هایون عثمانی نک سابق الذکر قالوغنک ۳۷۵ صحیفه سنده مندرجدر ۳۷۶ صحیفه سنده ایانلوغده ضرب اولومش حکمدار اسنی حاوی اولمایان برسه تعریف ایدلشدر .

احمد توحید